

Inatsisartut suleriaasiat § 37 naapertorlugu matumuuna Naalakkersuisunut apeqqutit imaattut saqqummiuppakka:

**Apeqqutit:**

- 1. Kiffartuussivigineqartuni tapiissutit procentinngorlugu annertussusaat takugaanni assersuutigalugu tapiissuteqanngikkaluarpat billetsip akia inuinnarnit akilerneqarsinnaanngilaq. Tamanna eqqarsaatigalugu ilaasunut angallassisunullu akilersinnaanerusumik aaqqissuussinissamik qanoq takorluuisoqarpa?**
- 2. Isumaqatigiissuteqarluni kiffartuussiviusuni assersuut ataaseq taassagaanni, Qeqertarsuup tunuani tapiissut procentinngorlugu aningaasartuutaasariaqartut 70 % -ia nunap karsiata tapiissutigisarpaa. Ukiamut 30. November Aasianniik Qasigiannuanukartoqassaguni, timmiffissaq 20 minutsit missaannik sivissussilik akeqarpoq kr. 2.404,-. Taava Naalakkersuisut uppersarsinnaavaat billetsip tapiissutitaqanngitsoq kr. 8.000,- missaani akeqassagaluartoq?**
- 3. Billetsip akia taamaassagaluartutut paasineqarsinnaappat Naalakkersuisut piviusup paasineqarnissaa siunertaralugu qanoq iliuuseqarusunnerput?**

(Inatsisartunut ilaasortaq Jess Svane, Siumut)

**Tunngavilersuut;**

Qulimiguulimmik angallassinermi kiffartuussinissamik isumaqatigiissuteqarfiusuni angallavinni issiaviit tunineqanngitsoortartorpasuit ilisimaneqarput. Taamaattorli isumaqatigiissuteqarluni angallassiviusariaqarnermik isumaqatigiissuteqarsimaneq pinikummat ilaasoqarani angalaneq takornartaanngilaq. Aammali ilaasoqaralutik issiavippaalussuit imaqaratik angallassineq ingerlaneqartarluni. Taamaakkaluartoq ilaasup nunattalu karsiata issiaviit imaqanngittut akilersoraat pasitsannarluni.

Qulimiguulinnik angallassinermi kiffartuussinissamut isumaqatigiissut piffissami matumani nutarterneqarnissaa siunertaralugu suliaqartoqarpoq. Nunatta Karsia angallaffinni akilersinnaanngitsut taaneqartunut annertuumik tapiissuteqartartoq eqqarsaatigalugu Naalakkersuisut qanoq takorluugaqarnersut paaserusunnarpoq.